

Fjárlaganefnd
Nefndasvið Alþingis
Austurstræti 8-10, Reykjavík

Reykjavík 31. ágúst 2020

Umsögn Neytendasamtakanna um frumvarp til laga um breytingu á lögum um ríkisábyrgðir, nr. 121/1997.

Frumvarpinu er ætlað að gera stjórnvöldum kleift að veita Ícelandair fyrirgreiðslu frá ríkinu til að stuðla að áframhaldandi rekstri félagsins og til að fullnægjandi árangur geti náðst í fjárhagslegri endurskipulagningu þess.

Neytendasamtökin gera ekki athugasemd við frumvarpið sjálft, tilefni þess eða markmið, en telja sig knúin til að benda á Ícelandair hefur enn ekki endurgreitt fjölda farþega sem eiga rétt á því samkvæmt ESB reglugerð 261/2014, sbr. 1048/2012. Samkvæmt henni eiga farþegar aflýstra flugferða rétt á endurgreiðslu innan 7 daga frá aflýsingu flugs. Til Neytendasamtakanna hafa leitað hundruð farþega, sem hafa ekki fengið endurgreitt niðurfelld flug. Elstu flugferðirnar sem enn á eftir að gera upp eru, eftir bestu vitund starfsfólks samtakanna, frá því snemma í mars.

Neytendasamtökin gera þá kröfu að ef samþykka eigi ríkisábyrgð, verði tryggt að Ícelandair standi skil á lögbundnum endurgreiðslum til neytenda sem eiga lögvarinn rétt til þess.

Að teknu tilliti til ofangreindra athugasemda taka Neytendasamtökin ekki afstöðu til frumvarpsins sem slíks, en benda á nauðsyn þess að tryggt sé áður en ríkissjóður gengst í ábyrgð fyrir Ícelandair, geri félagið hreint fyrir sínum dyrum gagnvart almenningi og endurgreiði neytendum lögum samkvæmt.

Sem fyrr eru Neytendasamtökin reiðubúin að koma á fund nefndarinnar, sé þess óskað.

Virðingarfyllst,



Breki Karlsson, formaður